





楊忠愍公集

行



楊忠愍公遺集卷之三



明兵部武選司員外郎贈太常寺少卿容城楊

繼盛著

詩

節母貞女詩并序

節母楊侍御匪石夫人祖母貞女其祖姑也

世之論者皆以天下國家之責屬諸君子之身婦
女若無所與焉者及觀斯傳然復知責之在君子
者雖婦女亦足以盡之故張母之不忍忘其夫而
守節終身張女之不忍棄其嫂而相從不嫁以至

於死凡以各盡其心焉耳然而邦之風化世之氣
運時之禎祥恒必因之則其所係也不亦大乎謂
之無與於天下國家不可也夫姑感嫂節而貞志
以決嫂為姑貞而節之守也益固相觀而善夫固
如此苟事君者能如母之不忘其夫則天下皆忠
臣矣與人者能如姑之不棄其嫂則天下皆義士
矣忠臣義士遍於天下太和將在宇宙間矣則其
所係也不為尤大乎此又係於觀感者何如耳誠
願與君子共勉焉噫世之號為大丈夫者顧豈可
自喪其志自虧其節反婦女之不若也乎哉謹成

小律聊以表厥行而樹之風聲若夫書之以詔後
世則猶有太史公在

母為孤存身未死姑因嫂節老空樓萱堦花泣百年
淚漆室人含萬古愁寂寂風侵機杼冷陰陰月暗鏡
臺秋從來多少冠裳客曾似沂陽婦女否

送劉蘇涯鄉兄考績北上

春樹蒼蒼春浦晴紅亭黯黯送霓旌留連鳥語憐人
別在萼楊花共酒傾飛塢雨餘香氣合錦江潮靜浪
痕明烟浮曉巘噴岫碧霞逐征帆縹緲輕牛渚曲通
瀛海澤緱峯迥倚秣陵城月高鷗在鏡中宿溪漲檣

疑天際行牛野分星驚太史燕雲如幕覆神京楓宸
報政恩波潤椿座稱觴彩袖輕知已漸隨流水遠離
愁端與削山平論交每惜松顏落折柳應悲雁序更
旅病偏因歸客劇夢思祇為故鄉生送君惟有東風
淚點點沾巾無限情

送萬楓潭少叅山東

二月江南氣尚寒石頭城外水漫漫雲連削壁千屏
合日暎離觴兩鑑看近渚晴花香細細傍人風柳絮
團團聖朝此際求言切補續還思舊諫官

挽任侍御乃尊

四川巴縣人

巴國指南思定祖九真遺澤長孫留琴臺薛合軋坤
老篆水烟橫天地秋寂寂寒雲覆隴樹淒淒踈雨暗
江樓欲知身後流芳遠今日龍池有豸頭

又代作

生芻廬外悲風鳴一曲哀吟萬古情五友亭開山樹
暗三槐堂寂月華明巴人淚落嘉陵水澄野歌連上
蔡城公先澄縣尹後為上蔡尹故云海內知公身不死南臺伯雨振
家聲

送史沱村考績

十月征車辭建業三山霜葉照離杯晴烟千里孤城

暮寒雁三聲萬壑哀水國暮雲連渭樹郎官前宿近
中台阿戎詩禮趨庭後為道雷門指日開乃郎嘗從講舉子業

又代作二首

一上離亭幾度愁十年塵夢嘆沉浮悠悠月笛山城
夕漠漠寒雲江樹秋作客南來俱萬里送君北去獨
孤舟他鄉正有思歸興况復征旌出石頭

其二

官閣不傳遷轉報紅亭厭詠送君詩昔乘駟老人猶
識舊泣珠還今始知征鴈迥隨雲樹沒德星暗逐使

旌移 彤庭久惜南遷客共聽絲綸出鳳池

送大宗伯兩洲王公考績

台斗光芒臨紫極東風行色動江干春歸吳苑晴花
合天入燕雲曉旆寒禮樂百年開萬國星辰八座肅
千官 彤庭舊識尚書履天下蒼生屬謝安

又代苑翁大司馬送王公

風送老鷺啼禁樹春隨紅旆過江干文昌夜度三台
近玉劍晴浮五月寒一代雲龍虛鼎席百年禮樂屬
春官相逢若問留臺客為道思歸鬢已殘

壽太常汪春谷母七十代苑師翁作

南極星臨衡岳動北堂
萱映瀟湘明漢宮
瑤軸封仙檢
塗水梅花照楚城
海日蟠苑開壽域
天風青鳥下蓬瀛
金陵江夏隔千里
西望白雲無限情

送狄道訓道李南峯掌教清水

七載青氈多士服
九重紫詔五雲開
熙城莖李含春雨
渭水魚龍驚夜雷
悵望德星辭壁野
相思明月照秦臺
絃歌慢奏別離調
衰柳西風無限哀

同門生五十人游卧龍山寺

出門已覺精神爽
况復陽回宇宙清
野對含烟迷寺迥
晴山披雪倚雲明

風送榆錢入戶

三月不知春色暮
重門深鎖貫城寒
東風錯認王侯院
誤送飛錢落枕單

聞築外城二首

萬里河山俱帝業
如何謀計只神京
備邊自是千年計
塞外誰人築五城

其二

病急須從標上治
如何緩處用工夫
庸醫費盡篋中藥
待得良醫藥有無

和商中丞獄中生瓜

天意昭殊節，狂庭產異瓜。可憐成落莫，徒自吐英華。
踈蔓牽瑤草，幽香雜瑞苔。蒼生懸望切，何事思烟霞。

其二

夕獄半為家，真同故里瓜。行藏俱夢刃，閒寂亦繁華。
天遺東陵種，雲封西域花。梳心久已息，即此是烟霞。

和商中丞朱葵二首

寂寂朱葵着意栽，相投情景自徘徊。每因繁露含珠泣，
恐誤傾陽帶曉開。踈影風移搖夜月，晴烟雲擁覆西臺。
幽香暗度重華殿，時有游蜂送雨來。

其二

得意葵花斬草栽，暫時相對且徘徊。百年殊色因誰瘦，
萬古丹心向日開。不共羣芳發上苑，却憐異種出燕臺。
老天似惜傾城苦，欲借天姦雨露來。

再次

檢點紅芳荷雨裁，平分清景共徘徊。醉傾晴日翻翻舞，
笑領天風次第開。吟席珠璣超翰苑，德星芒彩動天臺。
西山不減東山興，佳事還隨蒼事來。

夏午睡胡敬所年兄因見教作此和謝

逐日課程惟有睡，百年勲業本無心。聖君賜我安閑地，
好做羲皇世上人。

又和

一息若存還報主萬年不死是吾心於今祇合昏昏
睡笑殺當時勲業人

又

踈懶百年還舊癖功名此日負初心本來面目頻頻
照恐落寰中第二人

賀獄吏孫東渠毋壽

予以狂瞽被責下獄幾死者屢賴東渠子左右保
護於其間其不屈權奸扶持善類迥出尋常萬萬
矣乃堂家書來又諭東渠加意於予中間辭語有

名公大人所不能道予感其子之德而嘉其母之賢
也仲秋十二日適其母初度因作拙律以贈之觀
者尚其諒予之心乎

南極星輝萊嶼動北堂萱映海天明百年花老秋風
冷千里雲孤暮對平赤圃生烟迴紫氣青鸞傳詔下
黃城題詩增我班裳恨幾遍停思無恨情

送宋司獄致仕名秀山東寧海州人

共說山中好甲子百年林下見高人醒初司枕俱為
夢歸去此身方屬君昏夜法星辭帝座秋風行色動
乾坤西臺多少含冤者一聽離歌淚滿巾

獄中紅苔

寒柝淒淒哀怨絕陰雲黯黯鬱愁結西風滿地苔飛
紅盡是渭囚冤淚血

朝審途中口吟

風吹枷鎖滿城香簇簇爭看員外郎豈願同聲稱義
士可憐長板見親王 聖明厚德如天地廷尉稱平
過漢唐性癖從來歸視死此身元自不隨楊

讀易有感

眼底浮雲片片飛吉凶消息只幾希自從會得義皇
易始覺前時大半非

九日崑峰賜飲擬和劉靜脩先生九日九飲
韻體

一飲初歌第一歌乾坤萬物屬中和醉鄉能發天然
樂况復幽人情興多

其二

二飲停杯歌二歌西風短髮任婆婆四時佳興俱堪
賞誰道當秋百感多

其三

三飲幽人發浩歌百年風月屬予多此身不是乾坤
蒂留我蒼天欲若何

其四

四飲須聽第四歌
傍人休笑醉顏酡
曾經雪浪翻天湧
風落盃中慢起波

其五

五飲起來鼓缶歌
萬年宇宙一紅螺
閑中看破盈虛殼
聚散浮沉總太和

其六

六飲將酣豪興多
仰天長嘯柰吾何
片雲忽暗樓頭月
只欲凌虛一拂摩

其七

七飲相關樂趣多
風吹萬籟盡笙歌
區區懷抱俱春意
笑爾高秋柰我何

其八

八飲自驚飲量過
踈狂成癖竟如何
縱然痛飲珍珠酒
却恐醉來語更多

其九

九飲渾忘披翠簑
聖明恩厚復如何
釀成四海合歡酒
欲共蒼生同醉歌

題殘菊

萬樹紅芳帶露殘
獨憐黃菊對霜看
東君不與蒼為

主一任西風落砌寒

見山代人題號

雲穿石榻丹書濕亭枕泉崖白晝閑樽酒相看渾不
厭知君原自見真山

其二

萬里風烟何日盡百年宇宙絕人閑春興應有桃千
樹休認天台作故山

其三

市朝自有武陵趣一息無心一息閑得意不須登華
嶽樽前卷石亦青山

其四

雲烟收盡酒卮間風靜一簾明月閑不解紅塵尋遠
壑慢將詩思傷青山

小雪

破窓不柰西風冷况復蕭條一敝裘疎雪飄殘憂國
淚寒更敲碎貫城愁悲歌勞擾慚燕士坐臥渾忘是
楚囚四海尋家何處是此身死外更無求

賞功喜作

踏碎塞城誰問罪深居台閣亦加封 聖明恩濶同
天地不論無功論有功

雪晴

踈狂忘却一身憂，思入蒼生始解愁。
萬事無成憐我拙，百年有恨倩誰收。
每思北闕開宣室，羞對西風泣楚囚。
且喜陰雲薄欲散，依稀遙見鳳凰樓。

夜感月有懷

鎖合西臺烟霧浮，孤燈相對夜悠悠。
寒欺草榻涼如洗，風捲星河動欲流。
報主獨憐成孟浪，論交誰復憶同游。
相知舊月情如許，猶自偷穿入氣樓。

寒夜和敬所韻

乾坤一草閣，宇宙半胸襟。
宿雨千年淚，明霞萬古心。

疎燈暗客夢，佳興帶愁吟。
肌骨渾如鐵，寒威任爾侵。

觀新曆

鳳曆初看小雪時，百年甲子只須臾。
回頭往事渾如夢，識破塵寰半局碁。

大風中鳳洲年兄賜顧言及先寄詩扇未到

陰陰朔氣滿皇州，烈烈悲風暗鳳樓。
吹合凍雲寒欲雪，蹴低霜幹鳥應愁。
百年執法歸廷尉，四海何人憐楚囚。
聞說右軍曾遠寄，蒲葵珠玉莫空投。

送張觀海分教偃城十韻

相知每恨未相識，聞說遠遊情更親。
曉日初分溫室

樹文風先度偃城闔穉微殘月明霜劍密暮孤烟逐
晚塵野鳥迫隨征旆沒客袍猶帶曙光新東觀海氣
冲晴漢南望嵩雲接紫宸避俗祇應求吏隱此行原
不為家貧河陽桃李蓓蕾合洛渚魚龍變化均羶榻
謾勞悲冷局清朝亦自重儒臣心旌搖落懸雙淚守
拙支離愧一身君愛寒官儂愛死古來天地幾痴人
夫人有終日相處志或落落難合終身不相識亦
有意氣相孚若素交然者蓋趨向之同與不同故
耳觀海張子予雖未知其為何如人然自予下獄
素相與者或遠避以示其疎詆排以忌其狂間有

下石肆毒以取悅邀功於權奸之門者觀海乃通
問不絕奔走不遠主張於公議群聚談論之間雖
時俗輩惕以重禍不恤也視素交者為何如哉今
之任偃城訓導予感其相知之深而悲其相違之
遠也遂為詩以贈之噫天不以科第與豪傑俾得
行其志乃濫及予等闕茸者流不使正人君子相
與以共濟王事固隔絕阻抑之俾離其群而索其
居良可悲矣然相知以心而不以迹各盡其心以
求自靖雖終身不相見可也否則此言之贈祇貽
泛交之說今日相知之義將不為他日相見之羞

乎言至於此又不覺其發狂

劉司獄考滿索詩口占以贈之

報最歸來寵命新問君何以荅楓宸閑中檢點案頭簿三載平反多少人

至日早醒偶成

夢裏忽聞長樂鐘自驚誤却上新封覺來月照西窓白窸窣柝聲雜曉春

族兄東城親家鶴峯獄中賜顧同宿二夜感

作

寒燈高照影參差樽酒長吟慰夢思十載交游仍倚

五百年骨肉更相知追談雲雨如前日品第親朋異昔時明月不嫌草榻冷徘徊照我去遲遲

因冷感興

風滿孤城淚滿巾高寒偏傍薄衣人晴烟亦逐陰雲冷詩思應隨白髮新歸去此身方屬我愁來何事最傷神邊陲戎馬中原盜惆悵羞稱自靖臣

袁商中丞少峯和徐龍灣韻

憂時分外闌何事囚西臺君為河山死誰悲梁木摧法星仍近月此日獨憐才魂魄心猶壯奸諛骨已灰

其二

夷夏欲交驩書生虛將壇可憐當日獄乃爾借星冠
白晝燕山暮紅雲渭水寒他年麟閣上遺像許誰看

其三

燕囚羞對泣梁獄共蕭騷功業半塵土秋風一羽毛
雲連寇老竹星暗呂虔刀遙憶瀟湘水悠悠咽楚豪

其四

吁嗟成永隔生死事相關氣節雲霄上勲名宇宙間
孤魂憂國淚萬古鎖愁顏胡運將衰絕燕然未許攀

微雪有感

都城夜半初飛雪臺省應多祥瑞詩眼底餓夫寒欲

死來年搃稔濟誰飢

五歲兒入視遣歸不去同宿數夜有感

良知好向孩提看天下無如父子親我有乾坤大父
母孝情不似爾情真

小兒索予畫騎馬官因索詩隨吟父子問答

口號

我已因官累爾何又愛官街前騎馬者轟烈萬人看

懷鶴峯東城因寄

屋梁落月應懷我春草池塘更夢誰記得別時懸淚
眼佯為咲語怕相思

其二

久惜離群恨見遲誰知相見倍相思從今憶弟休憐
弟又恐別時勝此時

聞有送贈與中官方士而起用者因遣祈雪
祇風不應

再入天台雲浦開金丹一粒脫凡胎逼人嵐氣浮眉
宇聞自神仙洞裏來

其二

風捲寒雲落照斜郊原無日不飛沙可憐萬里瓊瑤
雪化作銀杯散宦家

元旦

老天留我報君身惆悵蹉跎又是春幾度丹心連血
嘔數莖白髮帶愁新回思往事真堪笑自幸更生似
有神璞在不妨仍泣獻踟躕無計達楓宸

元夜獄中自製素絃燈籠獄卒以無文彩索
詩賦此

風蹴水晶碎綵懸珠翠浮何如皎皎月是我大燈球
其二

有月何須燭無雲不怕風借誰竿百尺光照九天中
和鳳洲王年兄詩韻

未酬拚死恨，虛負再生身。和淚原非假，誼書大任真。
寒收燕谷夕，烟鎖漢宮春。擾擾欲投石，君何相問頻。
立春和平山韻

殘雪禁春亦不遲，晴烟送暖入簾幃。香飛別院梅初
發，影過新痕日漸移。風捲寒雲山曝盡，晴歸庭樹鳥
吟詩。年來踈懶澁佳句，欲報瓊瑤媿項斯。

送徐龍灣審錄江南

寥落雲司庭半虛，有功此去更何如。西臺月下幽人
榻，南國星隨使者車。寒雁不堪雲暝夕，秋風况是葉
飛初。秣陵若遇相知問，為道踈狂病未除。

送李東明審錄北直隸

悵望霓旌拂曙暉，嗟君此去故人稀。南山判草更誰
易，北極恩光伴爾歸。晚對喜承新雨露，春風醉舞舊
班衣。漢廷此日須元禮，早促仙舟赴帝闈。

苦冷

凍日摧寒色，狂風送冷塵。慢愁衣服薄，眼底是陽春。
其二

彤雲迷白晝，涼落暗風塵。宇宙誰知己，園城別有春。
其三

寂寂門常掩，素衣無緇塵。誰吹鄒子律，寒谷欲回春。

有感 用前韻

短鬢娑婆烏布中分明天地一狂人
憂時淚應笙歌落報 主狂希宇宙新
夷虜共傳知有我孤危不死
豈無神寥寥勛業將蓬髻
虛負當年獻納臣

和趙兵馬海壑韻

殘魂零落又經年
盡日悽然掩淚眠
啼鳥似憐人寂
寂空樓獨對月
娟娟死生浪寄乾坤外
勲業虛思太嶽巔
還草萬言書欲上
踟躕何處是堯天

題郭劍泉歲寒松栢卷

君去霜臺無御史
君來秋省有刑官
百年節操惟松

栢休負當時舊歲寒

松栢雖歲寒不凋然色視春夏則少異矣及至春夏欣然蒼翠若與桃李爭芬芳者視歲寒時又異焉不知歲寒之色為本色耶春夏之色為本色耶則松栢者固隨時異矣然則吾人之操故常變合一松栢惡栢之上可也劍泉山立之操故常變合一松栢惡足以擬之耶

送張對溪之任廬州

我期玄素回天力何事赤符此日行
幾度為親焚諫草百僚忘爾著時名
鷺啼秦樹晴烟暮旌拂廬雲曙

色明若遇超然同志問為言終不負平生

次梅軒韻有以夾竹苑花餽予者梅軒詩贈隨吟謝之

一點丹心一點忠竹花難入萬花叢年來不見青松友獨喜晴梅相映紅

陳平山鵲噪詩以此荅之

惡事先傳應早避喜來不報亦何傷平生最愛鷓鴣

好野鵲毋勞噪夕陽

又屢示災變塞口不言少見祥瑞上表爭賀鵲之類也有愧老鴉多

好音惟恐隔深對一聽惡聲共彈羅啼鳥亦知隨世變鴉鳴何必鵲何多

因前作諭鴉鵲二首

宇宙到頭俱夢幻生人何必嘆雲泥疎狂見慣榮枯事鴉鵲從今俱慢啼

其二

可厭老鴉常折翅依人喜鵲亦空啼長安公子多飛彈且向雲山深樹棲

東岡 又代作

臨漳才子長安客厭見漳水東流不復回最愛城東萃嶺山岡起寂寂空谷絕塵埃翠藹林巒非一狀懸崖削壁列屏障奔騰萬馬下天空俯懷萬寶息雲帳

鬱蒼竹樹半晴陰古洞薜蘿相背向危峰曉掛扶桑
雲磴壑松風日夕聞冥冥雲封群嶼暗細細泉流百
道分晴月映蘚壁岩花醉夕曛上有千歲不消之冰
雪下有烟霞萬頃之氤氳君生鍾此岡之秀下應嶽
神上應玄宿陟頂雄觀宇宙間日隘八壺如區園君
不見西周岡上鳳凰鳴至今千載流芳聲又不見南
陽岡上卧龍起興復漢祚垂青史羨君青瑣舊知名
十年已償林泉盟如今胡虜正縱橫漢家能有幾干
城勸君早展籌邊略休帶區區山水情

苦陰雨

雲黯黯兮鬱愁結雷隱隱兮哀怨絕雨潛潛兮血淚
下水冷冷兮悲聲咽鳥亂啼兮憐人苦花零落兮誰
是主欲深入兮無永穴欲高飛兮無翰羽捫胃閻心
心轉迷仰面呼天天不語混宇宙兮不分藹烟霧兮
氤氳西風起兮天霽掛遠樹兮夕曛聚還散兮暮雲
平晦復明兮日初晴何時回怒兮天王聖明

題梅軒號

江南有梅不見雪冀北雪多梅花稀惟有中州風土
好梅花雪花相映暉孤根深扎雲石裏天與清香豈
偶爾不向春光藉豔陽寧隨上苑爭桃李老幹雪鋪

翻助清層冰萬丈影涵明幽姿皎皎塵埃絕琴瑟逼
人冷氣生萬樹叢中呈淡粧百花頭上吐寒芳儵然
遠嶠輕風起吹落乾坤草木香一枝紫素羞粉白娟
娟月姬着新裳一枝黃萼梁園發攢金綴栗色微茫
一枝朱英丹換骨錯認天苑帶淺霜一枝紫莖蕾初
破曉霞飛落緋衣傍一枝同心並頭開晴沙酣睡雙
鶯鶯踈影籠月瘦骨插天勁稍穿石枯隙藏烟鶯蝶
不相識風雨更嫵妍冰葩凍蒂應難落一任淒涼惹
管弄前川古瘦清香原太始品題群花更無比一段
幽閑惟自知豈容凡眼窺紅紫羨君孤梗迥絕俗梅

花如人人如玉得意移來軒後栽松竹交映愜衷曲
樽酒相看花解語似促早上金門去商家正須和羨
材休為花神滯野墅花落結實調鼎春烹來端可薦
楓宸惟願分種千萬山以解蒼生萬斛之渴塵

臨刑詩二首

浩氣還太虛丹心照萬古生前未了事留與後人補
又

天王自聖明制度高千古平生未報恩留作忠魂補

